


二山
十卷
內集



光緒乙未開雕
己亥八月成

黃陳詩集注序

大凡以詩名世者一句一字必月鍛
季鍊未嘗輕發必有所考昔中山劉
禹錫嘗云詩用僻字須要有來去處
宋考功詩云馬上逢寒食春來不見
錫嘗疑此字僻因讀毛詩有輶注乃
知六經中唯此注有此錫字而宋景
文公亦云夢得嘗作九日詩欲用饒

字思六經中無此字不復爲故景文
九日食餠詩云劉郎不肯題餠字虛
負人間一世豪前輩用字嚴密如此
此詩注之所以作也

本朝山谷老人之詩盡極騷雅之變
後山從其游將寒冰焉故二家之詩
一句一字有歷古人六七作者蓋其
學該通乎儒釋老莊之奧下至於鑿

卜百家之說莫不盡摘其英華以發
之於詩始山谷來吾鄉徜徉於巖谷
之間余得以執經焉暇日因取二家
之詩略注其一二第恨寡陋弗詳其
祕姑藏於家以待後之君子有同好
者相與廣之政和辛卯重陽日書
六經所以載道而之後世而詩者止
乎禮義道之所存也周詩三百五篇

有其義而亡其辭者六篇而已大而
天地日星之變小而虫鳥草木之化
嚴而君臣父子別而夫婦男女順而
兄弟群而朋友喜不至瀆怨不至亂
諫不至訐怒不至絕此詩之大略也
古者登歌清廟會盟諸侯季子之所
觀鄭人之所賦與夫士大夫交接之
際未有舍此而能達者孔子曰爲此

詩者其知道乎又曰不學詩無以言
蓋詩之用於世如此周衰官失學廢
大雅不作久矣由漢以來詩道浸微
陵夷至于晉宋齊梁之間哇淫甚矣
曹劉沈謝之詩非不工也如刻繒染
縠可施之貴介公子而不可用之黎
庶陶淵明韋蘇州之詩寂寞枯槁如
叢蘭幽桂可宜於山林而不可置於

山名序
三
朝廷之上李太白王摩詰之詩如亂
雲敷空寒月照水雖千變萬化而及
物之功亦少孟郊賈島之詩酸寒儉
陋如蝦蟇蜺蛤一啖便了雖咀嚼終
日而不能飽人唯杜少陵之詩出入
今古衣被天下藹然有忠義之氣後
之作者未有加焉

宋興二百年文章之盛追還三代而
以詩名世者豫章黃庭堅魯直其後
學黃而不至者後山陳師道無已二
公之詩皆本於老杜而不爲者也其
用事深密雜以儒佛虞初稗官之說
雋永鴻寶之書牢籠漁獵取諸左右
後生晚學此祕未覩者徃徃苦其難
知三江任君子淵博極群書尚友古
人暇日遂以二家詩爲之注解且爲

原本立意始末以曉學者非若世之
箋訓但能標題出處而已也既成以
授僕欲以言冠其首予嘗患二家詩
興寄高遠讀之有不可曉者得君之
解玩味累日如夢而寤如醉而醒如
痿人之獲起也豈不快哉雖然論畫
者可以形似而捧心者難言聞絃者
可以數知而至音者難說天下之理

涉於形名度數者可傳也其出於形
名度數之表者不可得而傳也昔後
山荅秦少章云僕之詩豫章之詩也
然僕所聞於豫章願言其詳豫章不
以語僕僕亦不能爲足下道也嗚呼
後山之言殆謂是耶今子淵旣以所
得於二公者筆之於書矣若乃精微
要妙如古所謂味外未者雖使黃陳

復生不能以相授子淵尚得而言乎
學者宜自得之可也子淵名淵嘗以
文藝類試有司為四川第一蓋今日
之國士天下士也紹興乙亥冬十二
月鄱陽許尹謹叙

山谷詩集注目錄 年譜附

第一卷

元豐元年戊午

是歲山谷在北京

古詩二首上蘇子瞻 東坡守徐州山谷教

授北京初通書并以此二詩寄意東坡亦有報書及和章山谷書云今日竊食於魏會閣下開幕府在彭門又云作古風詩二章賦諸從者即此詩是也以東坡集考之蓋元豐元年魏即北京彭門即徐州建炎中山谷之甥洪炎玉



父編其舅文集斷自退聽堂始退聽以前蓋不復取獨取古風二篇冠詩之首且云以見魯直受知於蘇公有所自也今從之退聽堂在汴京醜池寺南山谷作館職寓筆硯於此○贈俞清老詩跋曰書於醜池寺南退聽堂下然此堂名其後隨所在揭之

醇道得蛤蜊復索舜泉舜泉蓋河中府

酒名外集有和王世弼求舜泉詩首句云寒藿薄飯留佳客蠹簡殘編作近鄰張淵方回家本置此詩於北京教授時與詩意政合自此詩至未入館前洪玉父皆不編入今

豫章前集有之然亦不過數篇爾方回大父名墳山谷妹壻也

元豐三年庚申

是歲春山谷在京師蓋罷北京教

官後赴吏部改官得知吉州太和

縣舊有寄李公擇詩序云元豐庚申歲庭堅得邑太和其秋

自汴京歸江南外集有曉放汴州詩云秋聲滿山河

未云又持三十口去作江南夢

次韻王穉川客舍二首彭山黃氏有山

山谷手寫此詩題云王欲稚川
元豐初調官京師云云當是
山谷北京解官後至京師所
作後篇欵乃歌有長安城中
花片飛蓋
春晚時也

欵乃歌二章戲王穉川次前

詠史呈徐仲車張方回家本置

中按仲車家于楚州當是山
谷赴太和時舟行經途所作

宿舊彭澤懷陶令彭澤在江州

以張方回家本編次按山谷
過南康軍祭劉凝之文云元

豐三年庚申十二月辛酉其
宿彭澤蓋亦同時到官或在

明年之
春夏歟

題山谷石牛洞舊本有寄李公

得邑太和舅氏李公擇提點
淮南西道刑獄自同安來相

見於皖口風雨中留十日此
詩蓋是時所作同安皖城皆

隸舒州石牛洞在舒之三祖
山山谷寺魯直嘗游而樂之

因自號山人

題瀟峯閣次前篇瀟山亦在舒

冬末
所作

次韻公擇舅次前篇李
常字公擇

元豐四年辛酉至六年癸亥

山谷在太和凡三年至元豐癸亥

移監德州德平鎮山谷有大孤山詩刻云是歲癸

亥十二月余自太和移德平

贛上食蓮有感贛上即虔州與吉鄰郡江西外

臺所在山谷或以白事至此

秋思寄子由是時蘇黃門謫監筠州鹽酒稅筠吉

皆在江西山谷嘗有與黃門書云得邑極南幸執事在旁

郡又云有高安行李必問動靜高安即筠州黃門名轍字

由子

贈別李次翁以張方回家本編次

演雅未句云江南野水碧於天中有白鷗閑似我當是在

太和所作山房李彤季敵云此篇山谷晚年刪去彤蓋山

谷伯舅之子

戲和答禽語附前

贈鄭交山谷在荊州為興上人書此詩跋云癸亥歲予

解官太和過武寧聞清上人當來延恩因謁鄭子通問消

息題詩子通之壁草堂鄭交處士隱處也云云予家所藏

山谷目録
舊本如此老禪謂延恩長老
法安安死於元豐八年山谷
為之銘此詩
蓋六年所作

元豐七年甲子

是歲山谷監德州德平鎮有發願

文蓋七年三月過泗州僧伽塔所

作到官當在夏秋也

平陰張澄居士隱處三詩張方

本題云王郎求此詩王郎即
世弼其詳具後篇此詩山谷
晚年亦
刪去

留王郎世弼山谷在德平有與
德州太守書云客

宦不能以家來官舍蕭然如
寄○宗室趙子湜彦清家有
此錄本云而此詩有河外吹
沙塵江南水無津之句又云

我隨簡書來顧影將一身
蓋言身在河北家在江南

送王郎豫章集元次
前篇今從之

次韻劉景文登鄴王臺見思五

首詩有平原秋樹色沙麓暮
鐘聲之句平原即德州又

云繫匏兩相憶極目十餘城
蓋鄴王臺在相州相與德皆
河北郡相
去數驛

山谷自金
次韻吳宣義三徑懷友

以張方回家本

編次

送劉季展從軍鴈門二首

題宛陵張待舉曲肱亭

從豫章集舊次

第二卷

元豐八年乙丑

春夏山谷在德平按實錄是歲三

月招廟即位四月丁丑以秘書省

校書郎名到京師時當在六七月

寄裴仲謀

山谷在德平與德州太守書云某官局勉

以不瘵幸親老在都下善眠食兄弟無他而此詩有我家

輦轂下薪桂炊白玉在官與影俱衣綻髮曲局天機行日

月春事勤草木之句在德平過春惟乙丑年爾

寄黃幾復

丑舊本於題下註云乙丑年德平鎮作其詳

具元祐二年和篇註

神宗皇帝挽詞三首

按實錄是歲三月戊

戌神宗升遐此詩及王文恭挽詩皆因崩薨歲月為次後

多傲此自此以下詩皆入館後所作

王文恭公挽詞二首

王珪字禹

哲宗按實錄元豐八年五月庚戌薨謚文恭

謝送碾壑源揀芽

詩有橋山事嚴屹百局謂

營奉神宗山陵又云右丞似
是李元禮謂李清臣邦直按
實錄清臣以元豐六年八月
拜右丞至元祐元年閏二月
方遷左丞

以小龍團及半挺贈無咎并詩

用前韻為戲

從舊次晁補之字無咎

和荅外舅孫莘老

舊本云莘老病起作詩寄

同舍按莘老名覺實錄本傳
云元豐八年哲廟即位自秘
書少監除右諫議大夫故詩
中有少監巖壑姿及寄聲舊
僚屬尚憐費諫紙之語而首
句則云西風挽不來當是秋

初所作

次韻定國聞子由卧病績溪

蘇

門藥城集有復病詩云病作
日短至病消秋風初黃門時
為歙州績溪令
王定國名鞏

次韻子由績溪病起被名寄王

定國

蘇黃門穎濱遺老傳云
移知歙績溪始至而奉

神宗遺制居半年除祕書省
校書郎明年至京師除右司
諫此詩今歲
秋冬閒所作

次韻李之純少監惠硯詩有我亦洗滌

與清流當是初入
館時之純名周

送舅氏野夫之宣城二首李莘字野

夫按實錄元豐八年十二月
屯田郎中李莘知宣州然此
詩未必是時所作姑以除
官之歲月為次餘多倣此

元祐元年丙寅

是歲山谷在館中按實錄十月丙

戊除

神宗實錄檢討官集賢校理

送范德孺知慶州德孺名純粹按實錄元豐

八年八月直龍圖閣京東運
使范純粹知慶州此詩云春
風旌旗擁萬夫當是今年春
初方作此詩爾○趙子澁家
有山谷與晁堯民帖云范五
詩至今未成北來幾月四十
日不曾道一句
范五郎德孺

題王黃州墨跡後

題王仲弓兄弟巽亭右二篇並從舊次

寄尉氏倉官王仲弓

附前篇

第三卷

有惠江南帳中香者戲荅六言

二首

子瞻繼和復荅二首

有聞帳中香以為焚蜴者戲用

前韻二首

右六詩荅東坡篇中有喜公新赴朝

參之句是歲東坡自登州至京師為禮部郎中而迎燕潤

花皆春時事

謝公擇分賜茶三首

外集有以路公所惠

棟芽送公擇詩即此韻而詩有國老元年密賜來及拚洗

一春湯餅睡亦知清夜有蚊雷之句當是元年春末所作

便糴王丞送碧香酒用子瞻韻

戲贈鄭彥能

以類相從附前篇子瞻詩蓋守

密州時所作今追用其韻

送鄭彥能知福昌縣

附前篇

顯聖寺庭枸杞

從舊次

次韻子瞻贈王定國

東坡詩所謂謫仙窟

夜郎子美耕東屯即此韻以東坡集考之是歲春晚所作

次韻張仲謀齋中晚春從舊

次韻荅晁無咎見贈用前篇韻

次韻荅張文潛惠寄按實錄是

歲十二月試太學錄張耒為祕書省正字此詩蓋夏初方到大學供職所作故詩有忽復燕哺兒及學省得佳士之句

同錢志仲飯藉田錢孺文官舍

從舊次

次韻曾子開舍人遊藉田載荷

花歸附前篇子開名肇

送劉士彥赴福建轉運判官按實錄元祐元年六月朝請郎劉士彥為福建路轉運判官此篇後亦刪去

次韻韓川奉祠西太一宮四首

刪去

次韻王荆公題西太一宮壁二

首東坡集亦有此詩以東坡集考之當在是年秋

有懷半山老人再次韻二首前用

韻

和答錢穆父猩猩毛筆

戲詠猩猩毛筆二首

右二篇藥城集有和

章今略依倣以為次又按山谷此詩舊題云前篇奉錢穆父後篇奉子瞻是時二公皆作中書舍人又有一跋具詩註中按東坡是歲九月方遷翰林學士

第四卷

奉和文潛贈無咎篇末多見及

以既見君子云胡不喜為韻

按實錄元祐二年四月乙巳徐州布衣陳師道充徐州學教授觀此詩陳師道之篇以為逸民蓋猶未得官也而詩又有紅榴罅多子之句宜以為元祐秋所作

次韻答邢惇夫

按實錄元祐元年正月起居舍

人邢恕權發遣隨州惇夫恕之子也待親以行此詩有夢不到漢東之句漢東即隨州又云雨作枕簟秋蓋元年秋也

和邢惇夫秋懷十首

詩有陳師道篇如前

說

謝公定和二范秋懷五首邀予

同作詩有黃令謂黃幾復也

改官見二年此詩蓋元年所

作明矣亦有陳師道篇如前

送謝公定作竟陵主簿附前

奉答謝公靜與榮子邕論詩長

韻公靜名愔公定名棕皆師厚之子附前篇

贈送張叔和元在送謝後

送顧子敦赴河東三首子敦名臨按實

第五卷

司馬溫公挽詞是歲九月丙辰溫公薨而葬以

明年二月藥城集亦有此詩當是今冬所作

次韻子瞻武昌西山詩東坡集此詩序

云元祐元年十一月二十九日作

子瞻詩句妙一世乃云效庭堅

體次韻道之東坡送揚孟容詩即此韻次武

昌西山
之後

柳展如子瞻甥也以桃李不言

下自成蹊作八詩贈之附前

戲詠蠟梅二首京師初不以蠟梅為貴其得名

此乃自山谷始今寄

蠟梅附前蜀中舊本題下註

有埋玉之句謂王詵晉卿尚蜀國公主時主已下世

從張仲謀乞蠟梅附前

賈天錫惠寶薰乞詩以兵衛森

畫戟燕寢凝清香十字作詩

報之附前篇山谷有此詩跋

人城西張仲謀為我作寒計惠送騏驥院馬通薪二百因

以香二十餅報之

次韻張仲謀過酺池寺齋附前

有夜談霜月冷之句

第六卷

元祐二年丁卯

是歲山谷在史局按實錄正月辛

未山谷為著作佐郎

常父惠示丁卯雪十四韻謹同

韻賦之

詩云春皇賦上瑞是歲春所作

詠雪奉呈廣平公

附前篇詩有連空春雪之

句

次韻宋楙宗僦居甘泉坊雪後

書懷

附前篇

和答子瞻和子由常父憶館中

故事

以東坡藥城集為次又此詩云桃李春晝永

雙井茶送子瞻

和答子瞻

子瞻以子夏丘明見戲聊復戲

答

省中烹茶懷子瞻用前韻

右四篇當

是今歲春送新茶所作詩有翰林貽我東南句謂東坡先生按實錄元年九月丁卯東坡遷翰林學士東坡集有次韻黃魯直赤目詩即此韻而元年十月山谷遷實錄院檢討官今歲又為著作故有願載軒轅訖鼎湖之句

山谷目錄
十四
以雙井茶送孔常父

常父答詩有煎點徑須煩綠珠

之句復次韻戲答

戲呈孔毅父

右三篇皆用前韻第三篇有校書著

作頻詔除今歲正月除著作佐郎

謝黃從善司業寄惠山泉

亦用前韻

山谷晚年刪去

次韻劉景文河上見寄

元在醲醲詩前

詩有煮春茗之句

見諸人唱和醲醲詩輒次韻

醲城

集中有次韻孔文仲舍人醲醲即此韻此後有和曾子開扈從詩見外集以藥城詩考之蓋四月一二日也

次韻秦觀過陳無已書院觀鄙

句之作

無已來京師寓居陳州門見於所作秋懷

詩書院當在此地而此詩有墻陰老春薺之句

陳留市隱

附前篇此詩蓋陳無已先作

晁張和答秦觀五言予亦次韻

次前篇過陳無已書院之後

劉晦叔許洮河綠石硯

因後篇附見

以團茶洮硯贈無咎文潛

次和答秦

觀篇按實錄元祐元年十二月試太學錄張耒試太學正

晁補之並為祕書省正字而此詩有道山延閣之句蓋今

作歲所

謝王仲至惠洮礪印材

因洮硯附見

次韻文潛同游王舍人園

次前篇文

潛詩有濃綠張夏帷之語

卧陶軒

附前篇詩云城南晁正字

次韻寄晁以道

附前篇

次以道韻寄范子夷子默

附前篇

僧景宣相訪寄法王航禪師

從舊

次

次韻子瞻送顧子敦河北都運

二首

以東坡詩為次按實錄元祐二年四月癸巳給

事申顧臨為河北路都轉運使

慈孝寺餞子敦席上奉呈孔經

父八韻

次前篇

山谷目錄
次韻張昌言喜雨

詩云已收蠶麥無多日
蓋四月間昌言名問
以東坡藥城
詩為次藥城

第七卷

送李德素歸舒城

因後篇
附見

詠李伯時摹韓幹三馬次子由

韻簡李伯時兼寄李德素

東坡

集有此詩在喜雨
後伯時名公麟

次韻子瞻和子由觀韓幹馬

前次

次韻答王春中

從舊
次

子瞻子由相繼入侍邇英次韻

四首

東坡有此詩
在韓幹馬後

再次韻四首

次前
篇

次韻子瞻題郭熙畫秋山

以東
坡詩

為次東坡詩所謂玉堂畫掩
春日閑即此韻在入侍邇英
詩後

題郭熙山水扇

題惠崇畫扇

題鄭防畫夾五首

戲題小雀捕飛蟲畫扇

題畫孔雀

睡鴨

小鴨

題劉將軍鷹二首

題劉將軍鵝

題晁以道雪鴈圖

右十詩並附前篇

次韻子瞻題無咎得與可竹二

首

東坡集此詩在郭熙秋山後

次韻文潛休沐不出二首

從舊次

奉同子瞻韻寄定國

東坡玉堂獨坐懷王

定國詩即此韻在題無咎竹後

次韻王定國揚州見寄

有自淮南來者道揚州事戲以

前韻寄王定國二首

右二詩附前篇

次韻錢穆父贈松扇

戲和文潛謝穆父松扇

東坡和張耒松

扇詩在懷
王定國後

謝鄭閔中惠高麗畫扇 附前篇

第八卷

次韻王炳之惠玉版紙 附前篇

謝王炳之石香鼎 附前篇

次韻柳通叟寄王文通 從舊次

送張天覺得登字 東坡此詩在松扇後按實

錄元祐二年七月開封府推官張商英提點河東路刑獄商英字天覺

次韻徐文將至國門見寄二首

有詩槐催舉子著花黃之句蓋是歲秋試

博士王揚休碾密雲龍同事十

三人飲之戲作

答黃冕仲索煎雙井并簡揚休

再答冕仲

戲答陳元輿

再答元輿

次韻冕仲考進士試卷 右六篇皆武成

宮試闈所作
詩中自了然

王聖美三子補中廣文生附前篇

次韻游景叔聞洮河捷報寄諸

將四首按實錄元祐二年八月禽西蕃首領鬼章

青宜結檻送闕下

和游景叔月報三捷與前詩同時作

次韻崔伯易席上所賦因以贈

行二首按實錄元祐二年十月將作少監崔公度

知潁州又按本傳公度字伯易高郵軍人此詩十月後作

同子瞻韻和伯充團練從舊次

戲答趙伯充勸莫學書及為席

子澤解嘲附前篇

謝景叔惠冬笋雍酥水梨三物

再答景叔右二篇並以時序為次

次韻幾復和答所寄山谷舊跋此詩云丁

卯歲幾復至吏部改官追和予乙丑在德平所寄詩也詩

有夜寒同對短檠燈之句當是冬時所作

寄上叔父夷仲三首夷仲名廉元祐初為

都大提舉成都府路樵茶兼
陝西路買馬張方回家本前
一篇題云寄上叔父夷仲後
二篇題云叔父夷仲入奏近
寄此詩用前韻今以蜀中題
名考之廉奉使在元祐元年
八月而入三年正月除右司郎
中則入奏蓋在二年之冬也
此詩第一一篇因
後詩同見於此

第九卷

元祐三年戊辰

是歲山谷在史局其春東坡知貢
舉山谷與李公麟等皆為其屬

考試局和孫元忠博士竹枝歌

三章

觀伯時畫馬 東坡集有和篇
題云試院中作

題伯時畫揩痒虎

題伯時畫觀魚僧

題伯時畫頓塵馬

題伯時畫嚴子陵釣灘

題伯時畫松下淵明 右皆試院
中作舊本

畫觀魚僧題云子瞻畫枯木
伯時作清江游魚有老僧映

樹身觀魚而禪筆法甚妙予
為名曰玄沙畏影圖并題數
語而頓塵馬有亦思歸家洗
袍袴之句為試院處作無疑

措痒虎子陵灘
蓋從其舊次

出禮部試院王才元惠梅花三

種皆妙絕戲答三首山谷有
此詩跋

甚詳具
詩注中

王立之承奉詩報梅花已落盡

次韻戲答立之名直方即才
元之子今附前篇

乞姚花二首附前
篇

效王仲至少監詠姚花用其韻

四首附前
篇

寄杜家父二首從舊
次

王才元舍人許牡丹求詩

謝王舍人剪送狀元紅右二篇
從舊次

戲答陳季常寄黃州山中連理

松枝二首山谷有太平興國
寺浴室院題名云

故人陳季常林下士也寓棊
簞於此蘇子瞻范子功數來
從之元祐三年六月丁亥書
然此詩未必是時所作姑以

物色
附見

次韻子瞻送李易
李易字方叔是歲下第而

歸東坡此詩在次韻黃魯直畫馬後

次韻宋林宗三月十四日到西

池都人盛觀翰林公出遨
翰

公謂東坡東坡有和宋肇遊西池即此韻在送李方叔詩後

韓獻肅公挽詞三首
韓絳字子華事神宗

再為宰相按實錄元祐三年三月薨謚獻肅東坡有韓康

公挽詞在遊西池後康公即獻肅

次韻子瞻寄眉山王宣義
東坡有慶

源宣義王文求紅帶詩即此韻在康公挽詞後此後有送

高士敦鈴轄詩見外集

聽宋宗儒摘阮歌
從舊次

自門下後省歸卧酺池寺觀盧

鴻草堂圖
藥城集有此圖詩當同時所作按藥

城集次於韓康公挽詞後

題子瞻寺壁作小山枯木二首

寺壁即圃池
寺附前篇

題子瞻枯木 附前篇

次韻子瞻詠好頭赤圖 東坡詩在紅帶

詩後

詠伯時虎脊天馬圖

詠伯時象龍圖

題竹石牧牛 右三詩附前篇而天馬圖有歲在執

徐同之句蓋戊辰歲也

題伯時天育驃騎圖二首 附前篇

姨母李夫人墨竹二首 附前篇

次韻子瞻子由題憇寂圖二首

第十卷

次韻答曹子方雜言 曹輔字子方東坡有

送曹輔赴閩漕詩在好頭赤詩後按實錄元祐三年九月太僕寺丞曹輔權發遣福建路轉運判官山谷此詩蓋輔未出使以前所作今寄于此

次韻子瞻和王子立風雨敗書

屋有感 東坡此詩在送曹輔後

嘲小德 東坡有和章次前篇

戲答張秘監饋羊 詩有留與兒童駕小車之

句今附小德詩後

戲答王定國題門兩絕句 東坡朝小

德詩後有和王定國會飲清虛堂詩時定國歸自揚州

清人怨三首 略從舊次元在

呈外舅孫莘老二首 詩得意喜莘老得歸按

實錄元祐三年九月御史中丞孫覺提舉醴泉觀本傳云

以疾堅請外提舉舒州靈仙觀此詩九月以後所作今寄

於此

以天壇靈壽杖送莘老 從舊次

戲答愈清老道人寒夜三首 趙彥

清家有山谷跋此詩其末云東坡屢哦此詩以為妙也元

祐四年歸自門下省書於圃池寺南退聽堂上此跋四年

所書而詩則三年冬所作蓋四年之冬東坡在杭州也

秘書省冬夜宿直寄懷李德素

附前篇

歲寒知松柏 此詩效進士體元有兩篇知字韻一

篇見外集東坡所和乃知字韻在嘲小德詩後

東觀讀未見書

被褐懷珠玉

款塞來享

右三篇未必同時所然皆效進士體以

教兒姪今附見東坡雜記云元祐三年十二月二十八日

上御延和殿奏范鎮新樂時西夏方遣使款延州塞故進

士作延和殿奏新樂賦款塞來享詩云

憶邢惇夫

山谷跋惇夫集有國馬不及奉輿斃於阜

櫪之語蓋元祐三年十一月庚戌也此詩宜附見於此

次韻和秦少章晁適道贈答詩

詩有陰風雪塞廬之句當是此年冬所作蓋明年冬少章

從東坡在杭州矣

次韻答秦少章乞酒

附前篇詩有水餅嚼

冰蔬之句亦冬時作

第十一卷

元祐四年己巳至八年癸酉夏

四年至六年夏皆在史局按實錄

元祐六年三月癸亥進神宗實錄

為起居舍人以中書舍人韓川有

言詔行秘書省著作佐郎是歲六

月特封母壽康縣太君為安康郡

太君乞以轉官恩回授也山谷在

京師多與東坡唱和四年夏東坡

出知杭州遂無詩伴而山谷常苦

眩冒有與王長原詩跋云相見於京師匆匆不得盡平生朋友

之意長原告行會小人年來頭眩不能苦思因以廢詩輒以舊詩十

許贈長原又有書老杜詩跋云老夫今年四十五不復能作詩他文

亦懶下筆欲學詩觀老杜足矣又

與俞清老曹荀龍書皆云某自去

年三月己巳不作詩山谷生於乙酉至元祐四年己巳四十有五

在史局山谷嘗有詩云日又多侍

母夫人醫藥至六年六月遂丁家

艱陳無己作山谷母李夫人墓銘曰元祐六年卒于東都又以山

谷與洪駒父書考之云六月十八日郡太棄背諸孤而洪玉父作退

聽堂詩序云辛未歲試禮部寓舅氏僦舍後一年魯直丁母夫人憂

矣山未即元祐六年其云後一年誤矣山谷護喪抵家以明年正月八日具書故此數年之間作詩絕少

頤軒詩及寄題郭功甫潁州西齋

東坡有和篇而山谷此詩見於外集送秦少章從東

坡於杭州范蜀公挽章皆四年詩

之可考者其他諸詩多不可考又

於前卷無可傳著姑寄寓於此以

俟異時或遇其真也

頤軒詩六首

張方回家本有此詩序云元祐四年

正月癸酉黃某序

寺齋睡起兩首

後詩云桃李無言一再風蓋春

時作又有人言九事八為律之句是時東坡為臺諫所攻

亦出補外而山谷亦不容於時故云

記夢

附前篇

同元明過洪福寺戲題

略從舊次元在

寺齋睡起詩後

戲答晁深道乞消梅二首

右二篇以

時序為次

以梅餽晁深道戲贈二首

次韻孫子實題少章寄寂齋

後因

有送少章詩附於此此篇後亦刪去

次韻孫子實寄少游

戲書秦少游壁

贈秦少儀

送少章從翰林蘇公餘杭

右四詩略

從舊次按實錄東坡出知杭州在四年而行以五月陳無己至南京見東坡從登後樓詩云五月池無水又送行詩云一雨五月涼

題淨因壁二首

六月十七日晝寢

右二篇亦以時序為次

北窓

從舊次

青奴二首

附前篇

范蜀公挽詞二首

東坡作蜀公誌銘云元祐

三年閏十二月薨葬以四年八月此詩蓋四年夏秋閒所作

宗室公壽挽詞二首

出城送客過故人東平侯趙景

珍墓

山谷目録
九
黃穎州挽詞三首

樂壽縣君挽詞二首

右八篇
附前詩

叔父給事挽詞十首

按實錄元祐七年五月丙申

給事中黃廉卒是時山谷持

母喪僅一年

山谷有與洪駒
父書云比經祥

練又聞給事
叔父之訃

而葬以明年九

月

山谷與宇文伯修書云九
月之末方畢叔父給事葬

事又云欲乞一官
觀時已免喪矣

紹聖元年甲戌

四月改元

按實錄元祐八年七月呂大防言

神宗正史欲差前實錄院檢討官

黃庭堅秘書省正字秦觀充編修

官從之山谷以疾辭乞宮觀

予家
有山

谷辭
免狀

至甲戌歲授宣鄂兩郡皆未

赴

跋東坡磨衲贊云紹聖元年五
月甲子新宣城假守黃某書

繼除宮祠按實錄紹聖元年六月

丁亥新知鄂州黃庭堅管句亳州

明道宮於開封府界居住就近報

國史院取會文字山谷遂寓家於

太平州之蕪湖事具與王與其兄

元明俱來陳留山谷與梁大夫書

相送至府畿伯氏即元明止東寺之淨土院具事

與趙伯充室明暖容膝有餘舟行時與東

坡相遇於江上山谷有東坡真贊

東坡於彭蠡之上其兒不尔又與

佛印書云惠州偶阻風相會三日

書云貴池相別於今八年

寂住閣

深明閣右二篇陳留淨土院作

因書為寂住閣

第十二卷

紹聖二年乙亥

是歲山谷謫黔州先是紹聖元年

章惇為相蔡卞修國史七月山谷

與范龍學祖禹趙尚書彥若於開

封府界居住就近應報文字卞至
史院以前史官直書王安石事欲
中傷以抵誣神考之罪簽出千餘
條以為皆無證據紹聖二年正月
范公安置永州趙公澧州山谷黔
州事具范公家傳按實錄紹聖元
年十二月甲午黃庭堅謫涪州別
駕黔州安置而范公家傳乃云二
年正月蓋據受命時日也山谷既

被命與其兄元明出尉氏許昌由

漢沔趨江陵上夔峽山谷書萍鄉

矣三月辛亥至下牢關具黔南道

四月二十三日到黔州具謝寓開

元寺寺有摩圍閣山谷與張叔和

有怡偲堂當是山谷以知命同處

為名按楊明叔草書跋尾云黔中

竹枝詞二首

夢李白誦竹枝詞三疊並黔南道中作

前詩有跋語且云四月甲申蓋十九日也

和答元明黔南贈別山谷書萍鄉廳壁曰

元明送余安置於摩圍之下淹留數月不忍別而此詩有急雪驚風之語當是冬時所作

紹聖三年丙子

是歲山谷在黔南初山谷既未能

以家來二年之秋其弟知命自蕪

湖登舟山谷與秦世章書云叔達附蘇伯固舡自蕪湖登舟

携一妾所謂李慶具知命家書一今趙彥清家有錄本

子名相小字韓十蓋仲子也具及家書及與秦世章宋子茂書

山谷之子相小名小德小字四十一并其所生

母俱來知命中道生一女又與其

從兄嗣直會於夔州山谷書云知命居士得三月二十八日書知慶兒已免娠入夔州已回客次俱無恙嗣直又適

得相會何慰如之嗣直是歲五月名叔向給事之子也

六日抵黔南山谷五月書云初五日宿太浩初六日可

來赴疊石早飯又云今日甚思汝輩同剝粽子也

題驢瘦嶺馬鋪知命

行次巫山宋楸宗遣騎送折花

厨醞 知命

次韻楸宗送別二首 知命

戲答劉文學 知命

外姪李光祖往見尚垂髫今觀

寄嗣直小詩已可愛因次韻

知命

上南陵坡 知命

題小猿叫驛 知命

馬上口號呈建始李令 知命建始屬施

州

次浮塘驛見張施州小詩次其

韻 知命

將次施州先寄張十九使君三

首 知命

和仲謀送別二首 知命

次韻答清江主簿趙彥成 知命清江

即施州治趙彥成名肯堂嘉州人

宋楙宗寄夔州五十詩三首

命知

右二十詩皆知命來黔州時所作知命名叔達山谷之弟數詩附見集中殊有家法當由山谷潤色因以成其弟之名今不復刪去

題蘇若蘭回文圖

元雜置知命詩中

紹聖四年丁丑

是歲山谷在黔南其春知命往見

嗣直於涪州生一子是為小牛秋

冬閒還黔

具山谷與知命嗣直書

次韻楊明叔四首

再次韻

楊皓字明叔眉之丹稜人官

於黔中時在山谷遷謫後

與明

叔書帖可考

此詩蓋黔中所作故

有我已魑魅禦之句黔中詩

絕少姑附於今歲

謫居黔南十首

右摘樂天句元題云謫居黔南

今附于此蓋明年又遷於戎州云

元符元年戊寅 六月改元

是歲春初山谷在黔南以避外兄

張向之嫌遷戎州按實錄紹聖四

年三月知宗正丞張向提舉夔州

路常平十二月壬寅詔涪州別駕

黔州安置黃庭堅移戎州安置以

避使者親嫌故也山谷三月閒離

黔六月初抵戎州山谷有與楊明叔大字跋尾云

紹聖五年二月哉生明涪翁將遷于夔道治舟開元寺江曲之閒夔

道即戎州戎今為叙按是歲六月方改元故猶稱五年又有與王觀

復書云沂流在道幾三月又有瀘州木龍崑題名云紹聖五年五月

晦故知到戎州在六月初寓居南寺作槁木寮

死灰菴故址尚存其後僦居城南

贈黔南賈使君

山谷初到黔南曹譜伯達張

旒茂宗為守貳待之頗厚山谷

與張叔和書云某至黔州將一月矣曹守張倅相待如骨肉又與楊明叔書云守倅皆

京洛人好事尚文不易得也

今賈使君蓋與曹伯達為代者未知此詩何時所作姑附於離黔之歲

元符二年己卯

是歲山谷在戎州九月知命如成

都至明年二月還戎具山谷與知命書及答勾

宗尚書又與範長老書云知命顛倒屢足二月七日乃到戎州

次韻雨絲雲鶴二首

蜀中舊本此詩序云代史夫

人和石信道按信道名諒時

作瀘州江安令史夫人蓋山

谷外兄張祺子履之妻張祉

介卿之嫂綠菜贊所謂維女

博士史君炎玉者也此詩蓋

在戎州所作山谷有答蘇大

兄張子履家嫂具道才德之美又曰昨史嫂過夔道云云

當是夫人與其子俱來乞子

履墓銘時也山谷作子履墓銘曰葬以元符

己卯之四月又曰雨絲雲鶴
史夫人博學能文

皆春時景物宜見於今年春

從斌老乞苦笋
當是今歲夏初所作元年夏初

猶未至戎也此篇元在戎州

詩中但詮次不倫爾山谷有苦笋賦云斐道苦笋冠冕兩川斐道即戎州

次韻黃斌老所畫橫竹

次韻謝斌老送墨竹十二韻

用前韻謝子舟為予作風雨竹

再用前韻詠子舟所作竹

戲詠子舟畫兩竹兩鸚鵡

第十三卷

次韻答斌老病起獨游東園二

首

又和二首

又答斌老病愈遣悶二首

次韻黃斌老晚游池亭二首
右與

黃斌老唱和諸詩並因苦笋篇附見當是同時所作池亭詩有黃菊拒霜殊未秋之句必今歲所作明年秋晚山谷

蓋在青神矣

戲答史應之三首 應之名鑄眉人客瀘戎閒

山谷有應之真贊曰江安食不足江陽酒有餘江安屬瀘州漢江陽縣地也

也足軒

軒在簡州為師範道人作山

谷有與範帖云知命欲往成

都看藥市又云別作一篇竹

軒頌似可觀已付密師去可

種竹於六祖即用之是歲範

公自簡州受成都六祖之請

云 範在簡州時山谷有種竹頌云往在江南住竹山道人兩歲三來訪云云

故今云別作一篇

寄題榮州祖元大師此君軒 山谷

有此詩跋云元符二年閏月初吉書贈榮州琴師祖元按是歲閏九月又有一篇亦此韻見於外集

答李任道謝分豆粥 詩有豆粥能驅晚瘴

寒之句似是冬時所作

元符三年庚辰

是歲山谷在戎州五月徽考即位

五月復宣德郎監鄂州在城鹽稅

見於山谷辭免吏部員外郎狀山谷既得放還以

江漲未能下峽西渠題名云爾七月自戎

舟行省其姑於青神山谷之姑張社介卿之母

介卿時為眉州青神尉以七月二十一日抵青神

具與張介卿書今中岩多有八九月閒題字十月改奉

議郎簽書宣國軍節度判官亦見辭免

狀十一月自青神復還戎有十一月二十一日

與嘉州至樂山王子厚書云到家悲苦滿懷蓋知命歸江南死於

荆州當是初十二月發戎州亦具聞其計時也

免吏部員外郎狀過江安為石信道挽留

遂作歲於此石諒信道本眉人家子相是歲十二月成親其詳具建

中靖國元年註并具與杜拙翁書

贈知命弟離戎州

姪相隨知命舟行

是歲知命自戎歸江南山谷

與範長老怙云知命留此兩

月三月十三日解舟去故與

相詩有燕子日長宜讀書之

句知命竟死荆南見山谷祭文

次韻文少激推官紀贈二首後因

篇附見少激名抗臨邛人時為戎州幕官予嘗見其家山

谷諸詩真迹

次韻文少激祈雨有感此詩真本云伏

承少激惠示夏日祈雨有感之詩末句云愛民天子似仁

宗時徽考初即位

次韻李任道晚飲鎖江亭詩有西來

雪浪如魚烹之句當是夏中所作

再次韻兼簡履中南玉三首次前

篇

次韻任道食荔支有感三首

山谷有戎州鎖水磨崖留題

云元符三年五月戊寅太守

劉廣之率賓僚來賞鎖江荔

支山谷與姪樸書云初到戎彭道微作守甚有親親之意道微既去劉滋崇儀作守云云此詩當同

時所作詩有六年怙悵之句

蓋自紹聖二年乙亥入蜀至

元符三年庚辰凡六見荔支

廖致平送綠荔支王公權送荔

支綠酒附前篇

謝楊履道銀茄四首以時序為次

送石長卿太學秋補詩有漢文新覽天下

圖謂徽考初立山谷有試張通筆帖云戎州城南僦舍中眉山石長卿觀書

次韻文少激甘露降太守居桃

葉上當是秋時所作詩語皆及徽考新政

借景亭

八月在青神尉廳作尉即張

社介卿也社父閭雅州人娶

山谷之姑卒官太常卿見於山谷

所作張子履墓誌

戲贈家安國從舊次

次韻楊君全送酒

次韻君全送春花

謝楊景山送酒器君全名琳景山名岳皆青

神人山谷有中巖題字云元符三年九月己巳玉元直携

酒帥楊君全景山酌張子謙介卿黃魯直於慈姥之東堂

此詩蓋是時所作故有秋入園林花老眼之句綵花及酒

當是重陽所送春花言其象春時之花尔

史彥升送春花附楊君全送花後詩有干林搖

落照秋空之句

題石恪畫嘗醋翁舊次在借景亭後似是青

神作

謝應之

即史應之也應之往歲見山

谷於戎嘗有詩戲之此篇當

是應之自眉來青神再見山

谷叙述往事故有去年席上

蛟龍語未委先生記得無之

第十四卷

句

山谷在青神有與眉山程信孺帖云應之在館時接從容賓主相樂也是

第十四卷

走筆謝王朴居士拄杖

王朴字子厚隱

居嘉州至樂山此詩當是自青神回舟經途所作詩有六年流落放歸時之語

戲答王居士送文石

次前篇

次韻楊明叔見錢十首

序云予蒙恩東

歸明叔作十詩見錢按舊錄元符三年十一月癸亥朔黃

庭堅知舒州故此詩有老作同安守之句同安即舒州

次韻石七三六言七首

詩云老境五十

六翁又云欲行水繞山圍蓋元符三年將去蜀所作石七三當是石信道家

建中靖國元年辛巳

是歲正月解舟江安

山谷有瀘州中填葛氏竹

林留題云江南黃某自夔道蒙恩放還元符三年十二月道出江安江安宰石諒信道以親親見留作歲建中靖國元年正月丙寅置酒中填葛氏之竹林

三月至峽州改知舒州

四月至荆南泊家沙市又召以為

吏部員外郎時病癰初愈辭免恩

命乞知太平州具辭免恩命狀留荆南待

命遂踰冬焉

萬州太守高仲本宿約遊岑公

洞而夜雨連明戲作二首

萬州下巖二首

又戲題下巖山谷有萬州西山磨崖題名載高仲

本置酒蓋建中靖國元年二月辛酉

戲題巫山縣用杜子美韻詩有江陵

換袂衣之句江陵即荆南山谷度自巫山至此時已初夏矣

和王觀復洪駒父謁陳無已長

句

王蕃字觀復沂公之裔官閩

中時多以書尺至戎州從山

谷問學至是自京師改官復

入蜀會山谷于荆州時山谷

山谷目録

病癰初愈答觀復簡云卧病二十餘日幾死者

數矣忽奉手誨歡喜如從天上落也陳無已元

符三年冬為祕書省正字故

此詩有集賢學士見一角之

語

以銅壺送王觀復

附前篇

病起荆江亭即事十首

詩有大聖天子

初元年及西風吹淚古藤州之句又是歲七月東坡卒於

常州而此詩猶未及之當是秋初所作

鄒松滋寄苦竹泉橙麴蓮子湯

三首

松滋隸荆南詩有新收千百秋蓮莢之句

次韻答黃與迪

次前韻謝與迪惠所作竹五幅

右二篇從舊次

第十五卷

戲簡朱公武劉邦直田子平五

首

朱劉田皆荆南人詩有葵莧秋之語

次韻益修四弟

詩有霜晚菊未花之句

以峽州酒遺益修復繼前韻

附前

篇

謝益修四弟送石屏

附前

戲答王觀復酴醾菊二首

戲答王子予送凌風菊二首

右

篇以時序為次子予名雱王獻可補之之次子也時僑寓

荆州

謝王子予送橄欖

以椰子小冠送子予

附前

呈楊康國

又戲呈康國

二詩皆言黃柑未熟

次韻馬荊州

詩有茱糝菊英同送秋之句

和中玉使君晚秋開天寧節道

場

徽考以十月十日誕降為天寧節開啓蓋九月十日

入窮巷謁李材叟翹叟兼簡田

子平三首

詩有紫冠黃鈿網絲窠之句

次韻答馬中玉三首

詩有黃花過後早梅

前之句

山谷目錄
次韻中玉早梅二首

次韻中玉水仙花二首

王充道送水仙花五十枝

吳君送水仙花并二大本

劉邦直送早梅水仙花四首右十

一詩多從舊次惟王充道送水仙花一詩附見

謝檀敦信送柑子附前

贈李輔聖元在劉邦直詩後

和高仲本喜相見從舊次詩有雪滿荆州喜

再逢之句

戲詠暖足餅二首以時序為次

戲呈聞善二兄詩有草上堦除雪袞風之句

次韻聞善詩有張羅門帶雪之句

謝答聞善二兄九絕句

戲呈聞善右十詩前篇

題子瞻畫竹石舊題云題全天粹所收云云全

壁字天粹山谷在荆州時有與天粹帖又有字說云全壁

長林人長林屬荆門軍此詩當附於荆州詩中

戲贈米元章二首

米芾字元章為發運司屬

官在江淮閒建中靖國之秋東坡北還嘗有手帖與之此詩似亦當時所作蓋詩有滄江書畫舫之句今附於荊州中詩

第十六卷

崇寧元年壬午

是歲春初在荊南既而經岳鄂路

歸洪州分寧

正月與蘇子由書云某三兩月即拏舟下

巴陵出陸至遂往袁州萍鄉省其

兄元明

具於書萍鄉廳壁記

還至江州與其

家相會

山谷與洪龜父書曰四十六及新婦在荊南已遺十六

節推弟往取舫來會江州矣

六月赴太平州

謝

表云六月初九

九日而罷管句洪州玉隆

觀

山谷與徐師川書曰老舅六月九日領太平事十七日奉朝旨

送吏部即日解舫至江口

九月至鄂州寓居踰

年

崇寧二年山谷有南樓詩寄方公悅序云某以云歲九月至鄂

次韻答高子勉十首

高荷字子勉荊州人

而此詩有春從細草回之句當是春初所作

贈高子勉四首

附前篇

再用前韻贈子勉四首

附前篇詩有鳥

語花中管弦之句春稍動矣

荆南簽判向和卿用予六言見

惠次韻帝奉酬四首

附前篇

蟻蝶圖

從舊次

謝人送栗鼠尾畫維摩二首

從舊

次

次韻向和卿行松滋縣與鄒天

錫夜語二首

詩有提壺及思歸樂之句當在

二月閒以上詩皆未離荆南所作

戲答荊州王充道烹茶四首

詩有

落花春日長之句

雨中登岳陽樓望君山二首

往分

寧時經途岳州所作

自巴陵略平江臨湘入通城無

日不雨至黃龍謁清禪師繼

而晚晴作長句呈戴道純

巴陵

平江臨湘皆屬岳州通城屬鄂州黃龍山在洪州武寧李彤季敵書豫章集後云先生自巴陵取道通城入黃龍山為清禪師徧閱南昌集自有去取即此時也

題徐氏書院

徐禧德占洪州人此詩歸洪州時所作

贈石敏若

從舊次

題胡逸老致虛庵

題蓮華寺

右兩篇元在逍遙觀前

衝雨向萬載道中得逍遙觀遂

託宿戲題

此詩往萍鄉時所作萬載亦屬袁州山谷有跋陳日休所收舊字云崇寧元年三月己卯自分

宜宿萬載之廣慧道場按長歷己卯蓋二十四日

題竹尊者軒

從舊次當是廣慧道場

送密老住五峯

從舊次山谷有為密公作草書

跋尾云元年三月壬午旅寓宜春之開元飯崇勝密公之堂即此僧也壬午蓋二

新喻道中寄元明用觴字韻

元明

作萍鄉宰山谷來省觀書萍鄉廳壁記曰來以崇寧元年

第十七卷

四月乙酉而去以是月之己亥乙酉蓋四月朔至己亥凡十五日此詩蓋別後所作新喻屬臨江軍去萍鄉未遠

拜劉凝之畫像

劉凝之家於南康此詩當是還

自萍鄉往江州經途所作或云赴太和時作

追和東坡壺中九華

按此詩序五月二十

日繫舟湖口所作湖口屬江州

罷姑熟寄元明用觴字韻

六月十七日罷姑熟即太解

舡至江口會洪駒父奉其大

母來又為之留七日閏六月

十一日分手將家到荆南謀

居具與徐師川書且云衝東風至蕪湖矣駒父大母李

氏山谷之從母也山谷又有太平州後園石室聽楊姝彈

琴題名云與郭功甫高大忠同酌桂漿實季夏之丁未蓋

六月二十

次韻子瞻和太白潯陽紫極宮

感秋詩韻

潯陽今江州山谷罷太平後

徘徊於江州初欲自此趨荆南然竟留於鄂

州此詩江州所作有蟹肥酒

酷熟之句蓋八月也而蜀中

雙井後集有此詩跋云崇寧

元年八月乙卯蓋初三日

瓊芝軒

龜殼軒

秋聲軒右三篇皆紫極宮作

戲效禪月作遠公詠遠公道揚即今江州

廬山東林寺是歲八月庚申山谷有東林題名此詩當是

同時所作庚申蓋初八日

跋子瞻和陶詩元在紫極宮詩前今附見

跋李亮功戴嵩牛圖從舊次

追和東坡題李亮功歸來圖是當

與前篇同時作

次韻徐仲車南郭篇四韻

次韻仲車為董元達置酒

山谷金
次韻仲車因婁行父見寄之詩

右三篇元在紫極觀詩後詩有萬里遠歸來煩公問健否

之句蓋晚年所作

武昌松風閣

山谷九月至鄂已具前註此詩經

途所作今赤牘中有跋與李德叟書云崇寧元年

九月甲申繫舟樊口題時張文潛再謫

黃州猶未至也故詩有張侯

何時到眼前之句黃與武昌

隔江相望云

次韻文潛

和文潛舟中所題右二詩並次前篇時文潛

已到黃山谷自鄂往見之前詩有風雪牖戶勤塞向之句

蓋冬深所作

題君子泉泉在黃州前篇

宿黃州觀音院鍾樓上元在次韻文潛

後詩有潘何之語今遷於此為後詩張本

謝何十三迭蟹從舊次何十三當是何頡之斯

舉或其弟兄頡之蓋黃州
人事具曾慥端伯詩選

又借答送蟹韻并戲小何

代二螯解嘲

又借前韻見意右三詩見於脩水集今附見

次韻文潛立春日三絕句

再次韻按長歷是歲十二月二十一日立明年春時山

谷已歸鄂故詩有已發黃州首更回之句

第十八卷

崇寧二年癸未

是歲山谷在鄂州既而謫宜州十

二月十九日發鄂渚見於發鄂渚詩序至

岳陽作歲過湖以明年二月見初於過洞庭青草湖詩初

山谷在荊州作承天院塔記轉運

判官陳舉承執政趙挺之風旨摘

其閒數語以為幸災謗國遂除名

編隸宜州

夢中和觴字韻序云崇寧二年正月己丑蓋初

九日

次韻吳可權題餘干縣白雲亭

從舊次

次韻廖明略陪吳明府白雲亭

宴集次前篇

病來十日不舉酒二首詩有回施青春

與後生之句春時所作

題小景扇從舊次

鄂州南樓書事四首詩有我亦來追六月

涼之語山谷在鄂州作夏惟此年尔

南樓畫閣觀方公悅二小詩戲

次韻附前篇

鄂州南樓寄方公悅附前篇

養鬪雞

顏徒貧樂齋二首右三詩並從舊次

和涼軒二首以時序為次詩有西風之語

題默軒元在涼軒前

次韻文安國紀夢

寄賀方回右二篇元在畫閣詩後

文安國挽詞二首

因前篇紀夢附見

和陳榮緒崇陽道中六詩

自頭陀寺

至晚發咸宜

榮緒蓋鄂州節推

於見

詩序詩有中秋山行之篇

陳榮緒惠示之字韻次韻三首

附前篇

第十九卷

德孺五丈和之字詩韻輒復和

呈

附前篇范德孺名純粹按舊錄崇寧元年十月管勾

南京鴻慶宮范純粹鄂州居住二年正月又責常州別駕

鄂州安置

次韻德孺新居病起

次韻德孺感興二首

次韻德孺惠貺秋字之句

並從舊次

求范子默染鴟青紙二首

從舊次子

默蓋德孺之子

謝榮緒惠貺鮮鯽

謝榮緒割麀見贈二首

吳執中有兩鵝為余烹之戲贈

右四詩並從舊次

秋冬之間鄂渚得蟹戲成小詩

三首以題中時序為次

甯子與追和子岳陽樓詩復次

韻二首

和甯子與白鹿寺從舊次

謝人惠猫頭笋從舊次詩有鸚鵡洲前人未知

蓋未離鄂州也鞭笋當謂冬時作

短韻奉乞蠟梅從舊次

以酒渴愛江清作五小詩寄廖

明略初和父詩有將發沔鄂閒之句

四休居士詩三首從舊次蓋在鄂州所作

十二月十九日夜中發鄂渚曉

泊漢陽親舊追送此以後詩赴宜州貶

處時所作山谷有與人帖云某治行已有緒既嫁女別無

一事移舟漢陽留數日待親識之在近者耳

次韻陳榮緒別後明日見寄之

作詩中有青草枯松之句皆
岳州事蓋榮緒送山谷至
岳時尚未
過湖也

崇寧三年甲申

是歲二月過洞庭經潭衡永桂等

州五六月閒至宜州貶所山谷有跋李資

深書卷云崇寧三年十一月余謫處宜州半歲矣官司謂余不當居

關城中乃以是月甲戌抱被入宿子城南其家寓於永

州山谷與長沙崇寧平老帖云骨肉寓永州

過洞庭青草湖詩有乙丑越洞庭丙寅渡青草

之句按長曆二月二十一日乙丑二十一日丙寅

過土山寨按張舜民南行錄湖中有土山巡檢司去

黃陵廟十五里

晚泊長沙示秦處度范元實五

首長沙即潭州在洞庭之南

次韻元實病目從舊次

勝業寺悅亭從舊次按南行錄勝業寺在南嶽廟

東屬潭州衡山縣有柳子厚般舟和尚第二碑

離福巖從舊次按南行錄福巖在南嶽依巖架空為之

蓋思公道場有三
生塔亦屬衡山縣

花光仲仁出秦蘇詩卷從舊次
花光寺

在衡州經
途所作

題花光畫

題花光畫山水

所住堂

題高節亭邊山礬花二首右五
篇並

次前
詩

第二十卷

贈惠洪從舊次詩有眼
橫湘水暮之句

戲詠零陵李宗古居士家馴鷓

鷓二首零陵即永州
經途所作

李宗古出示二頌作二詩奉呈

從舊
次

書磨崖碑後

浯溪圖

太平寺慈氏閣

題淡山巖二首

明遠庵

玉芝園

游愚溪

右七詩皆永州三月間作詩中可見愚溪詩序

云三月辛丑蓋二十八日也

代書寄翠巖新禪師

從舊次雖有早梅開

之句不可作時節會

戲答歐陽誠發謝送茶歌

從舊次

到桂州

從舊次

答許覺之惠桂花椰子茶盃二

首

因後篇附見

以椰子茶瓶寄德孺二首

元在桂

州詩後

寄黃龍清老三首

有中秋月之句秋時所作

崇寧四年乙酉

是歲山谷在宜州九月三十日卒

事具別傳

宜陽別元明用觴字韻

是歲山谷年六

十一有為元明書草庵歌圖跋尾曰時山谷年六十一元

山谷目錄金
三
明自宜歸湖南時而此詩有
干林風雨鷺求友之句蓋春

時作

和范信中寓居崇寧遇雨二首


信中名寥山谷有跋范寥所
收東坡詩云實崇寧四年之
五月丙午山谷老人謫居宜
州二年矣山谷又有宜州游
山記蓋四年六月辛巳而信
中掛名其間此詩亦四年夏
歟所作

乞鍾乳於曾公袞



依舊次公袞
名紆曾布子
宣之子時編置永州三年矣
豫章後集有與公袞書云鍾

乳何時再成又云嶺南秋暑
殊未解此詩蓋秋時所作或

遂絕筆於
此篇歟



山谷詩集注目錄終



上海圖書館

三



